

A F R I C Æ.

For

ZARADTA Victori Uticensi MS. apud Ortelium. *Tresconius* Episcopus Zaradensis adfuit Collationi Carthag. & Notitia Africae meminit *Adeodati* Zaradensis Episcopi.

GIRUS TARASI, cujus Episcopus *Felicianus* legitur in Notitia Africae.

¹ VICUS PACIS Victori Uticensi MS. apud Ortel. *Flavianum* Episcopum Vico-pacensem habet eadem Notitia.

² THABRACA Antonino in Numidia, vulgò *Bugia*. *Victoricus* Episcopus à Thabraca est apud D. August. lib. 6. contra Donatistas cap. 32. subscripsitque Concilio Carthaginensi tertio.

³ TUCCA Ptolem. lib. 4. cap. 3. *Saturninum* Episcopum à Tucca habet D. Cyprianus in Concilio Carthag.

⁴ QUIDIA Victori Uticensi MS. in Numidia apud Ortel. *Priscus* Episcopus Quidiensis interfuit Collationi Carthaginensi.

CASTELLUM Notitiae Africae, cujus Episcopus *Honoratus* dicitur in eadem Notitia.

⁵ MILEVI Notitiae, civitas multis Conciliis in ea celebratis illustris. *Benenatus* hujus Episcopus dicitur in Notitia Africae.

⁶ GIRA, fortè Gurra Peutingeri. Notitia Africae habet *Martialem* Girensem Episcopum.

FESSEITA Notitiae Africae, quæ *Adeodatum* ejus Episcopum nominat.

DAMATCORE eidem Notitiae, quæ *Dumvirialem* ejus Episc. recenset.

MADA eidem Notitiae, apud quam *Petrus* Madensis Episcopus dicitur.

⁷ CASÆ CALANÆ eidem Notitiae, qua *Optantius* ejus Episc. legitur.

ARSICARITA eidem Notitiae, qua *Servi* ejus Episcopi mentio fit.

⁸ VESELI Notitiae Africae, in qua *Donatianus* ejus Episcopus nominatur.

⁹ VILLA-DEGENSIS eidem Notitiae, quæ *Donatum* Villadegensem habet.

¹⁰ LEGÆ eidem Notitiae, apud quam *Januarius* ejus Episcopus recensetur.

¹¹ LAMFUA eidem Notitiae, qua *Maximus* ejus Episcopus dicitur.

VAGRAVA eidem Notitiae, quæ Vagravensem *Marcellinum* Episcopum habet.

GILBA alia à superiori. Hujus Episcopus *Donatus* dicitur in eadem Notitia Africae.

SILE. *Donatus* Silensis legitur in Notitia Africae.

GAURIANA eidem Notitiae, cujus Episcopus *Januarius* dicitur.

N 3

1 FOR-

NOTÆ LUCE HOLSTENII.

¹ *Vicus pacis*] Vicopacensis & Vicopacatenfis in Concil. Carth. Bonifatii. ubi Florentianus ejus Episcopus.

² *Thabraca*] Tabraca [Ant. in Numid. vulgo] Tabarca &c. Rusticianus Tabracensis Cathol. & Clarentius Donatista Coll. Carthag. Donatianus Talabracensis primæ Sedis Episcopus subscripsit Conc. Carthag. anni Christi 398. ubi Tabracensis scribendum puto.

³ *Tucca* Ptolem. lib. 4.] Procop. 4. ædific. Castellum vocat &c. Metus Tuccanensis in Concilio Grati. Sabinus Tuccensis in Coll. Carthag. Huc quoque pertinet Paulinus Tuggensis Episcopus apud S. Gregorium M. lib. 10. Epist. 3. ad Columbum Episcopum Numidiæ.

⁴ *Quidia*] rectius infra in Mauri. Cæsar. [Victori] Vno. MS. in Numidia] Sed Notitia in Mauritania agnoscit.

⁵ *Milevis*] Mileves. Severus apud Augustinum serm. 2. de vita & moribus Clericor. & Epist. 129. [Civitas multis Conc. in ea celeb. illustr.] Optatus Milevitanus celeberrimus Scriptor ejus Episcopus fuit. In Milevitana diocesi duos alios institutos fuisse Episcopatus à Catholicis conqueritur Petilia-

nus in Collat. Carthag. alterum in civitate Tun-
censi, alterum in loco Ceramussa. Severus Milevi-
tanæ Antistes Ecclesiæ Optati successor laudatus
à S. Augustino Epist. 34. & 135. & 242. cujus
Epistola ad eundem Augustinum extat inter Au-
gustinianas n. 37. Adeodatus Donatista unus ex
septem deputatis suæ factionis fuit in Coll. Carth.

⁶ *Gira &c.*] Huc pertinet Lucianus Guirensis
in Coll. Carth. & fortè rectius Guira.

⁷ *Casæ Calanæ &c.*] Fortunatus Episcopus loci
Casensis Calanensis in Coll. Carth.

⁸ *Veseli*] est Vegesela sup. pag. 96.

⁹ *Villadegensis*] Villa regia vel regensis: Unde
Felix Villæ regensis in Coll. Carth. & Cresconius
Villa regensis in Concilio African. Can. 15. Cod.
Canon. & est sine dubio idem locus, & sic in Notit.
Africae legendum. Candidus Villa regensis ex Do-
natista Catholicus. August. lib. 2. contra Cresc.
cap. 10.

¹⁰ *Legæ*] pag. 99. &c. Datanus Legensis in
Coll. Carth.

¹¹ *Lamfua &c.*] Safargius Lampuensis in Coll.
Carth. Pontius Lamfuenfis inter Proconsulares sub-
scripsit Concilio Bonifatii Episcopi.